



Vratite se svojim porodicama, budite među njima, poučavajte ih, naređujte im, i klanjajte taj i taj namaz u tom i tom vremenu, klanjajete tako u tom i tom vremenu. Kada nastupi namasko vrijeme, neka vam neko od vas prouči ezan i neka najstariji među vama bude imam!

Ebu Sulejman Malik b. el-Huvejris, radijallahu anhu, veli: "Došli smo Vjerovjesniku, sallallahu alejhi ve sellem, kao mladići približno istih godina i boravili kod njega dvadeset dana i noći. Allahov Poslanik, sallallahu alejhi ve sellem, bio je milostiv i blag, i kada je primijetio da smo poželjeli svoje porodice, pitao nas je o njima... Obavijestili smo ga o tome da smo ostavili porodice... On reče: 'Vratite se svojim porodicama, budite među njima, poučavajte ih, naređujte im, i klanjajte taj i taj namaz u tom i tom vremenu, klanjajete tako u tom i tom vremenu. Kada nastupi namasko vrijeme, neka vam neko od vas prouči ezan i neka najstariji među vama bude imam!'" Buhari je u svojoj predaji još dodao: "Klanjajte onako kako mene vidite da klanjam."

[Vjerodostojan] [Muttefekun alejh]

Malik, radijallahu anhu, veli: "Došli smo Vjerovjesniku, sallallahu alejhi ve sellem, kao mladići približnih godina..." Ovo je bilo u godini delegacija, tj. devete godine po Hidžri. Oni su bili mladići koji su kod Poslanika, sallallahu alejhi ve sellem, boravili dvadeset noći. Došli su s ciljem da se pouče vjeri. Malik veli: "Allahov Poslanik, sallallahu alejhi ve sellem, bio je milostiv i blag, i kada je primijetio da smo poželjeli svoje porodice, pitao nas je o njima... Obavijestili smo ga o tome da smo ostavili porodice... On reče: 'Vratite se svojim porodicama, budite među njima, poučavajte ih, naređujte im, i klanjajte taj i taj namaz u tom i tom vremenu, klanjajete tako u tom i tom vremenu. Kada nastupi namasko vrijeme, neka vam neko od vas prouči ezan i neka najstariji među vama bude imam!'" Buhari je dodao: "Klanjajte onako kako mene vidite da klanjam." Ovaj hadis ukazuje na to da je Poslanik, sallallahu alejhi ve sellem, bio poznat po svojoj blagosti i samilosti. Bio je najmilostiviji čovjek prema drugim ljudima, a također bio je najblaži, neka je na njega blagoslov i mir od Allaha. Ovo predanje dokazuje da se starijem daje prednost u predvođenju ljudi u namazu, što svakako nije u koliziji sa riječima Allahova Poslanika, sallallahu alejhi ve sellem: "Neka vas u namazu predvodi onaj ko najbolje poznaje Allahovu knjigu", jer svi ovi mladići došli su u isto vrijeme i vidljivo je da među njima u učenju Kur'na nije bila neka velika razlika, pa im je zbog toga rekao da ih predvodi najstariji. Kada budu jednaki glede učenja Kur'na, poznavanju sunneta i po vremenu u kojem su učinili hidžru, onda se daje prednost onome ko je najstariji.

Hadis: "Klanjajte onako kako mene vidite da klanjam" dokazuje je da je Poslanik, sallallahu alejhi ve sellem, ljude poučavao riječima i djelima. Onoga ko je klanjao bez smirenosti, poučio je riječima: "Kada želiš da klanjaš, propisno uzmi abdest, okreni se prema kibli, donesi tekbir, uči ono što je lahko iz Kur'na, potom učini ruku..." Ove mladiće poučio je djelom.

<https://sunnah.global/hadeeth/bs/show/3059>

النجاة الخيرية
ALNAJAT CHARITY

